

La »Europeada 2024« cherda

Te n ann sarà la Europeada dles mendranzes etnichey y regionales tl raiun de confin Germania–Danimarca. Publiché l envit a les iscrizions che vâ enchin al 1. de mei 2023. Sarà pa i Ladins y les Ladines endò a la pert?

L moto dl Campionat Europeich dl palé 2024 sarà »between the seas« (amesa i mers), ajache i juesc gnirà portès fora tl raion plurilinguistich dla penisola dl Schleswig–Holstein y dla Danimarca, anter l Batich y l Mer dl Nord.

Al se trata dla cuinta edizion dla Europeada, y i juesc sarà dai 28 de jugn ai 7 de messel 2024. L campionat vegn en chest iade organisé dai Sinti y Roma tl Schleswig–Holstein, dla mendranza nordfrisia, dla mendranza todesca tl Nordschleswig (Danimarca), Danimarca, y dla mendranza daneisa tl Sydslesvig tla Germania.

L modul per la gran manifestazion sportiva y sozjala ti é gnu mené a les organizacions membres dla FUEN, la federazion che porta fora

da tres la Europeada sciche maioura enconteda di grups dles mendranzes dla Europa. Infos él da ciafé sun www.fuen.org

L'organizacion sul post dla Europeada 2024 gnirà desfireda dal comité organisatif sot la presidenza y coordinazion de Ruwen Möller. La e-mail de contat con la organizazion é: info@europeada.eu

La FUEN ova organisé dl 2008 la pruma edizion dla Europeada tl cianton di Grijons tla Svizera, cater agn do spo tla Lussazia tla Sassonia, dl 2016 te Südtirol (Puster y Val Badia) y dl 2022 tla Ciarenca dai Slovens dl'Austria.

L turnier é n gran event sportif, che porta adum les mendranzes autoctones y regionales a juesc leai y encontedes amicales. IR



Les partidas é stedes enchin sen en gran pert combatudes. Sarà pa en auter ann endò la squadra dl Südtirol Todesch bona da vence pro i ei? Y cie squadra feminina podarà pa auzé la Copa d'Europa tl aier?

foto: europeada.eu